



JAVNA USTANOVA  
**DOM ZDRAVLJA**  
ZAVIDOVIĆI

*Gazi Husrev-begova 25*

*tel. (032) 878-877*

*fax (032) 879-088*

*e-mail: polikzav@bih.net.ba*

*web : www.dzzavidovici.ba*

*Identifikacioni broj: 4218122690008*

*PDV broj: 218122690008*

*Žiro računi : ASA Banka d.d. Sarajevo : 134030000007482*

*Raiffeisen bank d.d. BiH Sarajevo – filijala Zenica : 1610550009120069*

---

---

**UPRAVNI ODBOR**

Broj:01-2.16-1649/24

Datum:05.04.2024. godine

Upravni odbor JU «Dom zdravlja» Zavidovići na osnovu člana 38. Statuta JU «Dom zdravlja» Zavidovići i člana 70. i 89. Zakona o javnim nabavkama Bosne i Hercegovine («Službeni glasnik Bosne i Hercegovine» br. 39/14 i 59/22), na svojoj 67. sjednici održanoj dana 05.04.2024. godine, donosi

**O D L U K U**

o izboru najpovoljnijeg ponuđača za nabavku laboratorijskog posuđa i pribora – LOT 2 –  
LABORATORIJSKE POTREPŠTINE

**Član 1.**

Okvirni sporazum za nabavku laboratorijskog posuđa i pribora za JU «Dom zdravlja» Zavidovići za 12 mjeseci – LOT 2 – LABORATORIJSKE POTREPŠTINE za JU «Dom zdravlja» Zavidovići dodjeljuje se ponuđaču Semikem d.o.o. Sarajevo.

**Član 2.**

Ponuda ponuđača **Semikem d.o.o. Sarajevo** u provedenom konkurentskom zahtjevu za dostavu ponuda, bila je prihvatljiva ponuda i imala je najnižu cijenu, te će se ovom ponuđaču ponuditi Okvirni sporazum za nabavku laboratorijskog posuđa i pribora za JU «Dom zdravlja» Zavidovići za 12 mjeseci – LOT 2 – LABORATORIJSKE POTREPŠTINE za JU «Dom zdravlja» Zavidovići u ukupnom iznosu od **941,00 KM bez PDV-a**, što sa PDV-om iznosi 1.100,97 KM.

**Član 3.**

Izabrani ponuđač **ne mora dostaviti** original ili ovjerene fotokopije sljedeće kvalifikacione dokumentacije:

a) uvjerenje Suda BiH i suda prema sjedištu pravnog lica, kojim dokazuje da u krivičnom postupku nije izrečena pravosnažna presuda kojom je osuđen za krivično djelo učešća u kriminalnoj organizaciji, za korupciju, prevaru ili pranje novca,

b) uvjerenje nadležnog suda ili organa uprave kod kojeg je registrovan ponuđač kojim se potvrđuje da nije pod stečajem niti je predmet stečajnog postupka, da nije predmet postupka likvidacije, odnosno da nije u postupku obustavljanja poslovne djelatnosti,

c) uvjerenja nadležnih institucija kojim se potvrđuje da je ponuđač izmirio dospjele obaveze za doprinose za penzijsko i invalidsko osiguranje i zdravstveno osiguranje.

d) uvjerenja nadležnih institucija da je ponuđač izmirio dospjele obaveze u vezi sa plaćanjem direktnih i indirektnih poreza,

e) rješenje o registraciji ili izvod/aktuelni izvod iz sudskog registra sa priložima o registraciji djelatnosti koja je predmet javnog nadmetanja,

f) potvrdu (rješenje) o upisu u registar proizvođača ili veletrgovaca medicinskih sredstava kod Agencije za lijekove i medicinska sredstva BIH.

#### Član 4.

Izabrani ponuđač ne mora dostaviti original ili ovjerene fotokopije dokumentacije iz člana 5. ove odluke iz razloga jer je u ponudi dostavio ovjerenu fotokopiju sljedećih dokumenata:

- a) Uvjerenje Općinskog suda u Sarajevu, br. 65 0 Kr 23 018132 od 20.11.2023. godine, da ponuđaču nije u krivičnom postupku izrečena pravosnažna presuda kojom je osuđen za krivično djelo učešća u kriminalnoj organizaciji za korupciju, prevaru ili pranje novca, a sve u smislu člana 45. stav 2. tačka a. Zakona o javnim nabavkama – ovjerena fotokopija 20.12.2023. godine,
- b) Uvjerenje Općinskog suda u Sarajevu, br. 065-0-R-23-002665 od 20.11.2023. godine, da ponuđač nije pod stečajem niti je predmet stečajnog postupka, nije predmet postupka likvidacije, odnosno nije u postupku obustavljanja poslovne djelatnosti u smislu člana 45. stav 2. tačka b. Zakona o javnim nabavkama – ovjerena fotokopija 20.12.2023. godine,
- c) Uvjerenje Općinskog suda u Sarajevu, br. 065-02-SU-23-004421 od 20.11.2023. godine da podacima iz prekršajne evidencije ne postoji dug u registru novčanih kazni i nije izrečena zaštitna mjera zabrane obavljanja djelatnosti ponuđaču – ovjerena fotokopija 20.12.2023. godine,
- d) Uvjerenje Općinskog suda u Sarajevu, br. 065-02-SU-23-004420 od 20.11.2023. godine da podacima iz prekršajne evidencije ne postoji dug u registru novčanih kazni i nije izrečena zaštitna mjera zabrane obavljanja djelatnosti odgovornom licu ponuđača – ovjerena fotokopija 20.12.2023. godine,
- e) Uvjerenje Općinskog suda u Sarajevu, br. 65 0 Kr 18134 23 od 20.11.2023. godine da protiv odgovornog lica ponuđača, nije podignuta optužnica koja je stupila na snagu, odnosno nije potvrđena optužnica, a niti je izrečena osuđujuća presuda za krivično djelo sa propisanom kaznom do 5 (pet) godina zatvora ili novčanom kaznom kao glavnom – ovjerena fotokopija 20.12.2023. godine,
- f) Uvjerenje suda Bosne i Hercegovine, broj Su:03-10937/23 od 27.11.2023. godine, da protiv ponuđača nije izrečena pravosnažna osuđujuća presuda krivična djela organizovanog kriminala, prevaru, korupciju i pranje novca, a sve u smislu člana 45. stav 2. tačka a) Zakona o javnim nabavkama – ovjerena fotokopija 20.12.2023. godine,
- g) Aktuelni izvod iz sudskog registra od 20.11.2023. godine – ovjerena fotokopija 20.12.2023. godine,
- h) Uvjerenje Porezne uprave FBiH-Porezna ispostava Vogošća, br.13-9/6-12-5-5147/23 od 20.11.2023. godine, da ponuđač nema duga po osnovu javnih prihoda, PIO, zdravstva i nezaposlenih, sa listom osiguranih lica – ovjerena fotokopija 19.01.2024. godine,

- i) Uvjerenje Uprave za indirektno oporezivanje – Regionalni centar Sarajevo, broj: 02/6/II-16-11-20-13794/23 od 21.11.2023. godine, da ponudač nema dospjelih a neizmirenih obaveza po osnovu indirektnih poreza, ostalih prihoda i taksi – ovjerena fotokopija 19.01.2024. godine,
- j) Rješenje o upisu u registar veleprometnika medicinskih sredstava izdato od Agencije za lijekove i medicinska sredstva BiH, broj: 10-07.12-6-7047-3/23 od 20.11.2023. godine – ovjerena fotokopija 18.01.2024. godine.

Dokumenti navedeni u stavu 1. ovog člana evidentirani je u Zapisniku o pregledu i ocjeni ponuda, broj: 01-2.13-1541/24 od 21.03.2024. godine, a u Tenderskoj dokumentaciji, broj: 01-2.12-110/24 od 17.01.2024. godine, broj: 01-2.12-167/24 od 19.01.2024. godine i broj: 01-2.12-976/24 od 08.03.2024. godine, u tački 2.USLOVI ZA KVALIFIKACIJU I POTREBNI DOKAZI, podtačka 2.3., je propisano: „Ponudač može u ponudi dostaviti ovjerenu fotokopiju dokumentacije iz podtački 2.1. i 2.2. ove tenderske dokumentacije, te u slučaju da bude odabran kao najpovoljniji ponudač ne mora ponovo dostavljati ovjerenu fotokopiju dokumentacije.“

### **Član 5.**

Ova odluka stupa na snagu danom donošenja.

### **Obrazloženje**

Obavještenjem o nabavci br. **638-7-1-28-3-9/24** koje je objavljeno na portalu javnih nabavki dana 17.01.2024. godine i u „Službenom glasniku BiH“, broj: 5 od 19.01.2024. godine i br. **638-7-1-28-8-64/24** koje je objavljeno na portalu javnih nabavki dana 08.03.2024. godine i u „Službenom glasniku BiH“, broj: 18 od 15.03.2024. godine, pokrenut je konkurentski zahtjev za dostavu ponuda za nabavku laboratorijskog posuđa i pribora za JU «Dom zdravlja» Zavidovići za 12 mjeseci – LOT 2 – LABORATORIJSKE POTREPŠTINE za JU «Dom zdravlja» Zavidovići.

Tendersku dokumentaciju za predmetnu nabavku, sa portala javnih nabavki preuzelo je 13 ponuđača i to: EKAPIJA DOO, EMEDING D.O.O., BBS EUROPE, ENA D.O.O. SARAJEVO, ANALITIKA D.O.O. SARAJEVO, LAB UNICA D.O.O., FCT D.O.O., PHARMACOL INTERNATIONAL D.O.O., SARTORIUS LIBRA ELEKTRONIK D.O.O., AB MEDIC D.O.O., SEMIKEM D.O.O., DIMED D.O.O. SARAJEVO, KRAJINAGROUP D.O.O. BANJA LUKA.

Izmjenu tenderske dokumentacije za predmetnu nabavku od 19.01.2024. godine sa portala javnih nabavki preuzelo je 5 ponuđača i to: SEMIKEM D.O.O. SARAJEVO, KRAJINAGROUP D.O.O. BANJA LUKA, SEMIKEM D.O.O., EKAPIJA DOO I CEE-MED D.O.O.

Izmjenu tenderske dokumentacije za predmetnu nabavku od 08.03.2024. godine sa portala javnih nabavki preuzelo je 7 ponuđača i to : KRAJINAGROUP D.O.O. BANJA LUKA, EKAPIJA DOO, BBS EUROPE, SEMIKEM D.O.O., ELTA 90 MB D.O.O. I DIMED D.O.O. SARAJEVO.

Na adresu JU “Dom zdravlja” Zavidovići, za LOT 2 – LABORATORIJSKE POTREPŠTINE, dostavljena je jedna ponuda i to: Semikem d.o.o. Sarajevo.

Komisija za javne nabavke (u daljem tekstu: Komisija) izvršila je otvaranje ponuda dana 18.03.2024. godine u Sali za sastanke u JU «Dom zdravlja» Zavidovići, kao što je naznačeno u tenderskoj dokumentaciji.

Nakon pregleda dostavljene dokumentacije Komisija za javne nabavke utvrdila je da dostavljena ponuda odgovara uslovima iz tenderske dokumentacije, odnosno da je prihvatljiva ponuda.

Nakon provedenog postupka ocjene prihvatljive ponude prema utvrđenom kriteriju- najniža cijena, Komisija je dala preporuku da se ponuda ponuđača Semikem d.o.o. Sarajevo prihvati kao najpovoljnija za nabavku laboratorijskog posuđa i pribora za JU «Dom zdravlja» Zavidovići za 12 mjeseci – LOT 2 – LABORATORIJSKE POTREPŠTINE, koja je u provedenom postupku javne nabavke, bila prihvatljiva ponuda i imala najnižu cijenu, sa ukupnom cijenom od **941,00 KM bez PDV-a**, što sa PDV-om iznosi 1.100,97 KM.

Procijenjena vrijednost nabavke iznosila je **1.030,00 KM bez PDV-a**.

U ovom postupku nabavke predviđeno je provođenje e-aukcije.

E-Aukcija" je elektronski proces provođenja dijela postupka javne nabavke, koji uključuje podnošenje novih cijena, izmijenjenih naniže, i/ili novih vrijednosti određenih elemenata ponude, a odvija se nakon početne ocjene ponuda i omogućava njihovo rangiranje pomoću automatskih metoda ocjenjivanja u sistemu "e-Nabavke".

Nakon pregleda i ocjene ponuda za nabavku laboratorijskog posuđa i pribora – LOT 2 – LABORATORIJSKE POTREPŠTINE za JU «Dom zdravlja» Zavidovići, utvrđeno je da je samo jedna ponuda prihvatljiva, usljed čega nije ispunjen uslov za zakazivanje e-aukcije u sistemu e-Nabavke u skladu sa Pravilnikom o uslovima i načinu korištenja e-aukcije („Službeni glasnik BiH“, broj 80/23), jer je u članu 4. stav 2. istog Pravilnika propisano: “U slučaju prijema jedne prihvatljive ponude e-Aukcija se ne zakazuje“

Kako se e-aukcija nije mogla zakazati ovaj ugovorni organ je postupio u skladu sa članom 4. stav 2. Pravilnika o uslovima i načinu korištenja e-aukcije i mišljenjem Agencije za javne nabavke br. 04-02-2-1924-2/17 od 10.05.2017. godine.

U mišljenju Agencije za javne nabavke navedeno je da ukoliko smo u postupku javne nabavke zaprimili jednu prihvatljivu ponudu, a bili smo predvidjeli provođenje e-aukcije, koju nismo mogli zakazati, jer smo zaprimili samo jednu prihvatljivu ponudu, možemo nastaviti postupak nabavke i saglasno članu 69. stav (1) tačka a) Zakona, dodijeliti ugovor, te da informacije o predviđenoj e-aukciji i neodržavanju iste trebamo navesti navesti u zapisniku o evaluaciji ponuda.

Kako ugovorni organ nema mogućnost da zakaže planiranu e-aukciju iz razloga što je primio samo jednu prihvatljivu ponudu, to će okončati ovaj postupak nabavke u skladu sa članom 69. Zakona o javnim nabavkama, odnosno dodjelom ugovora ponuđaču koji je dostavio prihvatljivu ponudu u skladu sa zahtjevima iz tenderske dokumentacije.

Cijeneći pravilnost provedenog postupka za nabavku laboratorijskog posuđa i pribora za JU «Dom zdravlja» Zavidovići za 12 mjeseci – LOT 2 – LABORATORIJSKE POTREPŠTINE za JU «Dom zdravlja» Zavidovići, te datu preporuku od strane Komisije za javne nabavke odlučeno je kao u dispozitivu ove Odluke.

**PRAVNA POUKA:** Protiv ove odluke može se izjaviti žalba u roku od 5 dana od dana prijema ove odluke.

Žalba se izjavljuje ugovornom organu u pisanoj formi direktno, elektronskim putem ili preporučenom poštanskom pošiljkom u tri primjerka.

**DOSTAVLJENO:**

1. Semikem d.o.o. Sarajevo
2. a/a

**PREDSJEDNIK  
UPRAVNOG ODBORA:**  
Mehid Elvir, dipl. pravnik